

生佛亦如是已斷生死永不復生當佛說此法時大千世界三反六種震動爾時阿難在佛後執扇扇佛偏露右臂長跪叉手白佛言此法甚深當以何名云何奉持佛告阿難當名此經爲義動法動見動魔動梵動爾時阿難聞佛所說歡喜奉行

長阿含經卷第十四

陷溺上咸字去下奴的反聲狩正作獸販賣上方反券丘願履三
翻何隔反鞞正音毳毾上音塔登捷慈葉反博奔下音
亦鈍徒因衢反乳哺下音登捷慈葉反捕步音恃怙二字音
逾山俱及

佛說長阿含經卷第十五

覆四

後秦弘始年佛陀耶舍共竺佛念譯

第三分種德經第三

如是我聞一時佛在騫伽國與大比丘衆千二百五十人俱遊行人間止宿瞻婆城伽伽池側時有婆羅門名曰種德住瞻婆城其城

廣列

羅門長者居士聞沙門瞿曇釋種子出家成道從騫伽國遊行人間至瞻婆城伽伽池側有大名稱流聞天下如來至真等正覺十号具足於諸天世人魔若魔天沙門婆羅門中自身作證爲他說法上中下言皆悉真正義味具足梵行清淨如此真人應徃觀現今我寧可徃與相見作此言已即共相率出瞻婆城隊隊相隨欲徃詣佛時種德婆羅門在高臺上遙見衆人隊隊相隨故問侍者彼諸人等以何因緣隊隊相隨欲何所至侍者白言我聞沙門瞿曇釋種子出家成道於騫伽國遊行人間至瞻婆城伽伽池側有大名稱流

聞天下如來至真等正覺十号具足於諸天
 世人魔若魔天沙門婆羅門中自身作證爲
 他人說上中下言皆悉真正義味具足梵行
 清淨此瞻婆城諸婆羅門長者居士衆聚相
 隨欲往問訊瞿曇沙門耳時種德婆羅門即
 勅侍者汝速持我聲往語諸人卿等小住須
 我往至當共俱詣彼瞿曇所時彼侍者即以
 種德聲往語諸人言諸人且住須我到當
 共俱詣彼瞿曇所時諸人報侍者言汝速還
 白婆羅門言今正是時宜共行也侍者還白
 諸人已住言今正是時宜共行也時種德婆
 羅門即便下臺至中門立時有餘婆羅門五
 百人以少因緣先集門下見種德婆羅門來
 皆悉起迎問言大婆羅門欲何所至種德報
 言有沙門瞿曇釋種子出家成道於鴞伽國
 遊行人間至瞻婆城伽池側有大名稱流
 聞天下如來至真等正覺十号具足於諸天
 世人魔若魔天沙門婆羅門中自身作證爲

卷四

二

東

他說法上中下言皆悉真正義味具足梵行
 清淨如是真人宜往觀現我今欲往至彼相
 見時五百婆羅門即白種德言勿往相見所
 以者何彼應詣此不應往今大婆羅門七
 世以來父母真正不爲他人之所輕毀若成
 就此法者彼應詣此不應詣彼又大婆羅
 門異學三部諷誦通利種種經書皆能分別
 出典幽微靡不綜練又能善於大人相法瞻
 相吉凶祭祀儀禮成就此法者彼應詣此此
 不應詣彼又大婆羅門顏貌端正得梵色像
 成就此法者彼應詣此不應詣彼又大婆
 羅門戒德增上智慧成就成就此法者彼應
 詣此此不應詣彼又大婆羅門所言柔和辯
 才具足義味清淨成就此法者彼應詣此此
 不應詣彼又大婆羅門爲大師弟子衆多成
 就此法者彼應詣此不應詣彼又大婆羅
 門常教授五百婆羅門成就此法者彼應詣
 此此不應詣彼又大婆羅門四方學者皆來

請受問諸技術祭祀之法皆能具答成就此法者彼應詣此此不應詣彼又大婆羅門爲波斯匿王及瓶沙王恭敬供養成就此法者彼應詣此此不應詣彼又大婆羅門富有財寶庫藏盈溢成就此法者彼應詣此此不應詣彼又大婆羅門智慧明達所言通利無有

覆四

三

陳

怯弱成就此法者彼應詣此此不應詣彼爾時種德告諸婆羅門曰如是如是如汝所言我具有此德非不有也汝當聽我說沙門瞿曇所有功德我等應往彼不應來沙門瞿曇七世巴來父母真正不爲他人之所輕毀彼成就此法者我等應往彼不應來此又沙門瞿曇顏貌端正出刹利種成就此法者我應詣彼彼不應來此又沙門瞿曇生尊貴處出家爲道成就此法者我應詣彼不應來此又沙門瞿曇光色具足種姓真正出家修道成就此法者我應詣彼彼不應來此又沙門瞿曇生財富家有大威力出家爲道成

就此法者我應詣彼彼不應來此又沙門瞿曇具賢聖戒智慧成就成就此法者我應詣彼彼不應來此又沙門瞿曇善於言語柔軟和雅成就此法者我應往彼不應來此又沙門瞿曇爲衆導師弟子衆多成就此法者我應詣彼彼不應來此又沙門瞿曇求滅欲愛無有卒暴憂畏已除衣毛不堅歡喜和悅見人稱善善說行報不毀餘道成就此法者我應詣彼彼不應來此此沙門瞿曇恒爲波斯匿王及瓶沙王禮敬供養成就此法者我應詣彼彼不應來此又沙門瞿曇爲弗迦羅婆羅婆羅門禮敬供養亦爲梵婆羅門多利遮婆羅門鋸齒婆羅門首迦摩納都耶子所見供養成就此法者我應詣彼不應來此又沙門瞿曇爲諸聲聞弟子之所宗奉禮敬供養亦爲諸天餘鬼神衆之所恭敬釋種俱利冥寧跋祇末羅酥摩皆悉宗奉成就此法者我應詣彼彼不應來此又沙門瞿曇授波

斯匿王及瓶沙王受三歸五戒成就此法者我應詣彼彼不應來此又沙門瞿曇授弗伽羅門等三歸五戒成就此法者我應詣彼彼不應來此又沙門瞿曇弟子受三自歸五戒不敬諸天釋種俱利等皆受三歸五戒成就此法者我應詣彼彼不應來此又

卷四四陳

沙門瞿曇遊行之時為一切人恭敬供養成就此法者我應詣彼彼不應來此又沙門瞿曇所至城郭聚落為人供養成就此法者我應詣彼彼不應來此又沙門瞿曇所至之處非人鬼神不敢觸娆成就此法者我應詣彼彼不應來此又沙門瞿曇所至之處其處人

卷四五陳

民皆見光明聞天樂音成就此法者我應詣彼彼不應來此又沙門瞿曇所至之處若欲去時衆人戀慕涕泣而送成就此法者我應詣彼彼不應來此又沙門瞿曇初出家時父母涕泣愛惜戀恨成就此法者我應詣彼彼不應來此又沙門瞿曇少壯出家捨諸飾好

象馬寶車五欲瓔珞成就此法者我應詣彼彼不應來此又沙門瞿曇捨轉輪王位出家為道若其在家當居四天下統領民物我等皆屬成就此法者我應詣彼彼不應來此又沙門瞿曇明解梵法能為人說亦與梵天往返言語成就此法者我應詣彼彼不應來此又沙門瞿曇三十二相皆悉具足成就此法者我應詣彼彼不應來此又沙門瞿曇智慧通達無有怯弱成就此法者我應詣彼彼不應來此彼瞿曇今來至此瞻婆城伽伽池側於我為尊又是貴客宜往親觀時五百婆羅門白種德言甚奇甚特彼之功德乃能如是耶若彼於諸德中能成一者尚不應來况今盡具宜盡相率共往問訊種德答言汝欲行者宜知是時種德即嚴駕寶車與五百婆羅門及瞻婆城諸婆羅門長者居士前後圍遶詣伽伽池去池不遠自思惟言我設問瞿曇或不可彼意彼沙門瞿曇當呵我言應如

是問不應如是問衆人聞者謂我無智損我名稱設沙門瞿曇問我義者我答或不稱彼意彼沙門當呵我言應如是答不應如是答衆人聞者謂我無智損我名稱設我默然於此還者衆人當言此無所知竟不能至沙門瞿曇所損我名稱若沙門瞿曇問我婆羅門

法者我答瞿曇足合其意耳時種德於伽伽池側作是念已即便前行下車步進至世尊所問訊已一面坐時瞻婆城諸婆羅門長者居士或有禮佛而坐者或有問訊而坐者或有稱名而坐者或有叉手向佛而坐者或有默然而坐者衆坐既定佛知種德婆羅門心

中所念而告之曰汝所念者當隨汝願佛問種德汝婆羅門成就幾法所言誠實能不虛妄爾時種德默自念言甚奇甚特沙門瞿曇有大神力乃見人心如我所念而問我義時種德婆羅門端身正坐四顧大眾喜怡而笑方答佛言我婆羅門成就五法所言至誠無

有虛妄云何爲五一者婆羅門七世已來父母真正不爲他人之所輕毀二者異學三部諷誦通利種種經書盡能分別世典幽微靡不綜練又能善於大人相法明察吉凶祭祀儀禮三者顏貌端正四者持戒具足五者智慧通達是爲五瞿曇婆羅門成此五法所言

誠實無有虛妄佛言善哉種德頗有婆羅門於五法中捨一成四亦所言誠實無有虛妄得名婆羅門耶種德白佛言有所以者何瞿曇何用生爲若婆羅門異學三部諷誦通利種種經書盡能分別世典幽微靡不綜練又能善於大人相法明察吉凶祭祀儀禮顏貌

復口

六

陳

端正持戒具足智慧通達有此四法則所言誠實無有虛妄名婆羅門佛告種德善哉善哉若於此四法中捨一成三者亦所言誠實無有虛妄名婆羅門耶種德報言有所以者何用生誦爲若婆羅門顏貌端正持戒具足智慧通達成此三者所言真誠無有虛妄名

婆羅門佛言善哉善哉云何種德若於三法中捨一成二彼亦所言至誠無有虛妄名婆羅門耶答曰有所以者何何用生誦及端正爲爾時五百婆羅門各各舉聲語種德婆羅門言何故呵止生誦及與端正謂爲無用爾時世尊告五百婆羅門曰若種德婆羅門容貌醜陋無有種姓諷誦不利無有辯才智慧善答不能與我言者汝等可語若種德顏貌端正種姓具足諷誦通利智慧辯才善於問答足堪與我共論義者汝等俱默聽此人語爾時種德婆羅門白佛言唯願瞿曇且小停止我自以法徃訓此人爾時種德尋告五百婆羅門曰鴞伽摩納今在此衆中是我外甥汝等見不令諸大衆普共集此唯除瞿曇顏貌端正其餘無及此摩納者而此摩納煞生偷盜懈怠無禮虛妄欺詭以火燒人斷道爲惡諸婆羅門此鴞伽摩納衆惡悉備然則諷誦端正竟何用爲時五百婆羅門默然不對

卷四

七

宋

種德白佛言若持戒具足智慧通達則所言至誠無有虛妄得名婆羅門也佛言善哉善哉云何種德若於二法中捨一成一亦所言誠實無有虛妄名婆羅門即答曰不得所以者何戒即智慧智慧即戒有戒有智然後所言誠實無有虛妄我說名婆羅門佛言善哉善哉如汝所說有戒則有慧有慧則有戒戒能淨慧慧能淨戒種德如人洗手左右相須左能淨右能淨左此亦如是有慧則有戒有戒則有慧戒能淨慧慧能淨戒婆羅門戒慧具者我說名比丘爾時種德婆羅門白佛言云何爲戒佛言諦聽諦聽善思念之吾當爲汝一一分別對曰唯然願樂欲聞爾時世尊告婆羅門曰若如來出現於世應供正遍知明行成善逝世間解調御丈夫天人師佛世尊於諸天世人沙門婆羅門中自身作證爲他人說上中下言皆悉真正義味具足梵行清淨若長者長者子聞此法者信心清淨

信心清淨已作如是觀在家爲難譬如桎梏欲修梵行不得自在今我寧可剃除鬚髮衣服三法衣出家修道彼於異時捨家財業棄捐親族服三法衣去諸飾好諷誦毗尼具足戒律捨然不煩乃至心法四禪現得歡樂所以者何斯由精勤專念不忘樂獨閑居之所得

也婆羅門是爲具戒又問云何爲慧佛言若比丘以三昧心清淨無穢柔軟調伏住不動處乃至得三明除去無明生於慧明滅於闇冥生大法光出漏盡智所以者何斯由精勤專念不忘樂獨閑居之所得也婆羅門是爲智慧具足時種德婆羅門白佛言今我歸依

佛法聖衆惟願聽我於正法中爲優婆塞自今已後盡形壽不殺不盜不婬不欺不飲酒時種德婆羅門聞佛所說歡喜奉行

佛說長阿含第三分究羅檀頭經第四

如是我聞一時佛在俱薩羅國與大比丘衆千二百五十人俱遊行人間至俱薩羅住乞

卷四

八

陳

婆提婆羅門村北止宿尸舍婆林中時有婆羅門名究羅檀頭止住竟婆提村其村豐樂人民熾盛園觀浴池樹木清涼波斯匿王即封此村與究羅檀頭婆羅門以爲梵分此婆羅門七世已來父母真正不爲他人之所輕毀異學三部諷誦通利種種經書盡能分別世典幽微靡不綜練又能善於大人相法占候吉凶祭祀儀禮有五百弟子教授不廢時婆羅欲設大祀辦五百特牛五百犧牛五百特犧五百犧犧五百羖羊五百羯羊欲以供祀時住竟婆提村諸婆羅門長者居士聞沙門瞿曇釋種子出家成道從俱薩羅國人間遊行至住竟婆提村北尸舍婆林止有大名稱流聞天下如來至真等正覺十号具足於諸天世人魔若魔天沙門婆羅門中自身作證爲他說法上中下言皆悉真正義味具足梵行清淨如此真人應往觀現今我等寧可往共相見作此語已即便相率出住竟婆提

村隊隊相隨欲詣佛所時究羅檀頭婆羅門在高樓上遙見衆人隊隊相隨顧問侍者彼諸人等以何因緣隊隊相隨欲何所至侍者白言我聞沙門瞿曇釋種子出家成道於俱薩羅國遊行人間詣佉菴婆提村北尸舍婆林中止有大名稱流聞天下如來至真等正

後四

九

陳

覺十号具足於諸天世人魔若魔天沙門婆羅門中自身作證爲他說法上中下言皆悉真正義味具足梵行清淨此村諸婆羅門長者居士衆聚相隨欲往問訊沙門瞿曇耳時究羅檀頭婆羅門即勑侍者汝速持我聲往語諸人言鄉等小住須待我往當共俱詣沙門瞿曇所時彼侍者即承教命往語諸人言且住須我往到當共俱詣沙門瞿曇所諸人報使者言汝速還白婆羅門今正是時宜共行也侍者還白諸人已住言今正是時宜共行也時婆羅門即便下樓出中門立時有餘婆羅門五百人在中門外坐助究羅檀頭施

設大祀見究羅檀頭皆悉起迎問言大婆羅門欲何所至報言我聞有沙門瞿曇釋種子出家成道於俱薩羅國人間遊行詣佉菴婆提村北尸舍婆村有大名稱流聞天下如來至真等正覺十号具足於諸天世人沙門婆羅門中自身作證爲人說法上中下言皆悉真正義味具足梵行清淨如此真人宜往覲現諸婆羅門我又聞瞿曇知三種祭祀十六祀具今我衆中先學舊識所不能知我今欲大祭祀牛羊已備欲詣瞿曇問三種祭祀十六祀具我等得此祭祀法已功德具足名稱遠聞時五百婆羅門白究羅檀頭言大師勿往所以者何彼應來此此不應往大師七世已來父母真正不爲他人之所輕毀若成此法者彼應來此此不應詣彼又言大師異學三部諷誦通利種種經書盡能分別世典幽微無不綜練又能善於大人相法占相吉凶祭祀儀禮成此法者彼應詣此此不應詣彼

又大師顏貌端正得梵色像成此法者彼應
詣此此不應詣彼又大師戒德增上智慧成
就成就此法者彼應詣此此不應詣彼又大
師所言和軟辯才具足義味清淨成此法者
彼應詣此此不應詣彼又大師爲衆導首第
子衆多成此法者彼應詣此此不應詣彼又

卷四

十

陳

大師常教授五百婆羅門成此法者彼應詣
此此不應詣彼又大師四方學者皆來請受
問諸技術祭祀之法皆能具答成此法者彼
應詣此此不應詣彼又大師爲波斯匿王及
瓶沙王恭敬供養成此法者彼應詣此此不
應詣彼又大師富有財寶庫藏盈溢成此法
者彼應詣此此不應詣彼又大師智慧明達
所言通利無有怯弱成此法者彼應詣此此
不應詣彼大師若具足此十一法彼應詣此
此不應詣彼時究羅檀頭言如是如是汝
等言我實有此德非不有也汝當復聽我說
沙門瞿曇所成功德我等應詣彼彼不應來

此沙門瞿曇七世已來父母真正不爲他人
之所輕毀彼成此法者我等應詣彼彼不應
來又沙門瞿曇顏貌端正出刹利種成此法
者我應詣彼彼不應來又沙門瞿曇生尊貴
家出家爲道成此法者我應詣彼彼不應來
此又沙門瞿曇光明具足種姓真正出家修
道成此法者我應詣彼彼不應來又沙門瞿
曇生財富家有大威力出家修道成此法者
我應詣彼彼不應來又沙門瞿曇具賢聖戒
智慧成就成此法者我應詣彼彼不應來又
沙門瞿曇善於言語柔軟和雅成此法者我
應詣彼彼不應來又沙門瞿曇爲衆導師弟
卷四

十一

陳

子衆多成此法者我應詣彼彼不應來又沙
門瞿曇永滅欲愛無有卒暴憂畏已除衣毛
不堅歡喜和悅人見稱善善說行報不毀餘
道成此法者我應詣彼彼不應來又沙門瞿
曇常爲波斯匿王及瓶沙王禮敬供養成此
法者我應詣彼彼不應來又沙門瞿曇爲弗

伽羅婆羅婆羅門禮敬供養亦爲梵婆羅門多利遮婆羅門種德婆羅門首伽摩納兜耶子恭敬供養成此法者我應詣彼不應來又沙門瞿曇爲諸聲聞弟子之所宗奉禮敬供養亦爲諸天及諸鬼神之所恭敬釋種俱梨真寧跋祇末羅蘇摩皆悉宗奉成此法者我應詣彼不應來又沙門瞿曇波斯匿王及瓶沙王受三歸五戒成此法者我應詣彼不應來又沙門瞿曇弗伽羅婆羅婆羅門等受三歸五戒成此法者我應詣彼不應來又沙門瞿曇弟子受三歸五戒不敬諸天釋種俱梨等皆受三歸五戒成此法者我應詣彼不應來又沙門瞿曇所遊行處爲一切人恭敬供養成此法者我應詣彼不應來又沙門瞿曇所至城郭村邑無不傾動恭敬供養成此法者我應詣彼不應來又沙門瞿曇所至之處非人鬼神不敢觸燒成此法者我應詣彼不應來又沙門瞿曇所至

之處其處人民皆見光明聞天樂音成此法者我應詣彼不應來又沙門瞿曇所至之處若欲去時衆人戀慕涕泣而送成此法者我應詣彼不應來又沙門瞿曇初出家時父母宗親涕泣戀恨成此法者我應詣彼不應來又沙門瞿曇少壯出家捨諸飾好象馬寶車五欲瓔珞成此法者我應詣彼不應來又沙門瞿曇捨轉輪王位出家修道若其在家王四天下統領民物我等皆屬成此法者我應詣彼不應來又沙門瞿曇明解梵法能爲人說亦與梵天往返語言成此法者我應詣彼不應來又沙門瞿曇明解三
後四
十一
庚

百婆羅門白究羅檀頭言甚奇甚特彼之功德乃如是耶若使瞿曇於諸德中成就一者尚不應來况今盡具宜盡相率共往問訊究羅檀頭言欲行者宜知是時婆羅門即嚴駕寶車與五百婆羅門及徒僕婆提諸婆羅門長者居士前後圍遶詣尸舍婆林到已下

車步進至世尊所問訊已一面坐時諸婆羅門長者居士或有禮佛而坐者或問訊而坐者或有稱名而坐者或有叉手向佛而坐者或有默然而坐者衆坐已定究羅檀頭白佛言欲有所問若有閑暇得見聽者乃取請問佛言隨意所問時婆羅門白佛言我聞瞿曇明解三種祭祀及十六種祭具我等先宿耆舊所不能知我等今者欲爲大祭祀已辦五百特牛五百特犧五百特犧五百羖犧五百羖羊五百羯羊欲以祭祀今日故來問三祭法及十六祭具若得成此祀者得大果報名稱遠聞天人所讚爾時世尊告究羅檀頭婆

瞿曇

十三

陳

羅門曰汝今諦聽諦聽善思念之當爲汝說婆羅門言唯然瞿曇願樂欲聞爾時佛告究羅檀頭曰乃往過去久遠世時有刹利王水澆頭種欲設大祀集婆羅門大臣而告之曰我今大有財寶具足五欲自恣年已朽邁士衆強盛無有怯弱庫藏盈溢今欲設大祀汝等說祀法斯何所須時彼大臣即白王言如是大王如王所言國富兵強庫藏盈溢但諸民物多懷惡心習諸非法若於此時而爲祀者不成祀法如遣盜逐盜則不成使大王勿作是念言此是我民能伐能煞能呵能止諸近王者當給其所須諸治生者當給其財寶諸修田業者當給其牛犢種子使彼各自營王不逼迫於民則民人安隱養育子孫共相娛樂佛告究羅檀頭時王聞諸臣語已諸親近者給其衣食諸有商賈給其財寶修農田者給牛種子是時人民各各自營不相侵惱養育子孫共相娛樂佛言時王復召諸臣

語言我國富兵強庫藏盈溢給諸人民使無所乏養育子孫共相娛樂我今欲設大祀汝說祀法悉何所須諸臣白王如是如是如王所說國富兵強庫藏盈溢給諸人民使其無乏養育子孫共相娛樂王欲祀者可語宮內使知時王即如臣言入語宮內我國富兵強庫藏盈溢多有財寶欲設大祀時諸夫人尋白王言如是如是如是如大王言國富兵強庫藏盈溢多有珍寶欲設大祀今正是時王出報諸臣言我國富兵強庫藏盈溢給諸人民使其無乏養育子孫共相娛樂今欲大祀已語宮內汝盡語我斯須何物時諸大臣即白王言如是如是如王所說欲設大祀已語宮內而未語太子皇子大臣將士王當語之時王聞諸臣語已即語太子皇子群臣將士言我國富兵強庫藏盈溢欲設大祀時太子皇子及諸羣臣將士即白王言如是如是大王今國富兵強庫藏盈溢欲設祀者今正是時時

後四

十四

陳

王復告大臣曰我國富兵強多有財寶欲設大祀已語宮內太子皇子乃至將士今欲大祀斯何所須諸臣白王如大王言欲設祀者今正是時王聞語已即於城東起新堂舍王入新舍被鹿皮衣以香酥油塗摩其身又以鹿角戴之頭上牛屎塗地坐卧其上及第一夫人婆羅門大臣選一黃犛牛一乳王食一乳夫人食一乳大臣食一乳供養火衆餘與犢子時王成就八法大臣成就四法云何王成就八法彼刹利王七世以來父母真正不爲他人所見輕毀是爲成就初法彼王顏貌端正刹利種族是爲二法彼王戒德增盛智慧具足是爲三法彼王習種種技術乘象馬車刀牟弓天戰鬪之法無不具知是爲四法彼王有大威力攝諸小王無不靡伏是爲五法彼王善於言語所說柔軟義味具足是爲六法彼王多有財寶庫藏盈溢是爲七法彼王智謀勇果無復怯弱是爲八法彼刹利種

王成此八法云何大臣成就四法彼婆羅門大臣七世以來父母真正不爲他人所見輕毀是爲初法復次彼大臣異學三部諷誦通利種種經書皆能分別世典幽微靡不綜練又能善於大人相法占察吉凶祭祀儀禮是爲二法復次大臣善於言語所說柔和義味

卷四

十五

陳

具足是爲三法復次大臣智謀勇果無有怯弱凡祭祀法無不解知是爲四法時彼王成就八法婆羅門大臣成就四法彼王有四援助三祭祀法十六祀具時婆羅門大臣於彼新舍以十六事開解王意除王疑想云何六大臣白王或有人言今刹利王欲爲大祀而七世以來父母不正常爲他人所見輕毀設有此言不能汙王所以者何王七世以來父母真正不爲他人之所輕毀或有人言今刹利王欲爲大祀而顏貌醜陋非刹利種設有此言不能汙王所以者何王顏貌端正刹利種族或有人言今刹利王欲爲大祀而無

增上戒智慧不具設有此言不能汙王所以者何王戒德增上智慧具足或有人言今刹利王欲爲大祀而不善諸術乘象馬車種種兵法不能解知設有此言不能汙王所以者何王善諸技術戰陣兵法無不解知或有人言王欲爲大祀而無大威力攝諸小王設有是言不能汙王所以者何王有大威力攝諸小王或有人言王欲大祀而不善於言語所說麤擴義味不具設有此言不能汙王所以者何王善於言語所說柔軟義味具足或有人言王欲大祀而無多財寶設有是言不能汙王所以者何王庫藏盈溢多有財寶或有人言王欲大祀而無智謀志意怯弱設有是言不能汙王所以者何王智謀勇果無有怯弱或有人言王欲大祀不語宮內設有是語不能汙王所以者何王欲祭祀先語宮內或有人言王欲大祀而不語太子皇子設有此言不能汙王所以者何王欲祭祀先語太子

皇子或有人言王欲大祀不語羣臣設有此言不能汙王所以者何王欲大祀先語羣臣或有人言王欲大祀不語將士設有此言不能汙王所以者何王欲祭祀先語將士或有人言王欲大祀而婆羅門大臣七世以來父母不正常為他人之所輕毀設有是語不能

後四

十六

陳

汙王所以者何我七世以來父母真正不為他人所見輕毀或有人言王欲大祀而大臣於異學三部諷誦不利種種經書不能分別出典幽微亦不綜練不能善於大人相法占察吉凶祭祀儀禮設有此言不能汙王所以者何我三部異典諷誦通利種種經書皆能

分別世典幽微靡不綜練又能善於大人相法占察吉凶察祀儀禮或有人言王欲大祀而大臣不善言語所說麤獷義味不具設有此言不能汙王所以者何我善言語所說柔和義味具足或有人言王欲大祀而大臣智謀不具志意怯弱不解祀法設有是言不能

汙王所以者何我智謀勇果無有怯弱凡祭祀法無不解知佛告究羅檀頭彼王於十六處有疑而彼大臣以十六事開解王意佛言時大臣於彼新舍以十事行示教利喜於王云何為十大臣言王祭祀時諸有殺生不殺生來集會者平等施與若有熟生而來者亦施與彼自當知不殺而來者亦施與為是故施如是心施若復有偷盜邪姪兩舌惡口妄言綺語貪取嫉妬邪見來在會者亦施與彼自當知若有不盜乃至正見來者亦施與為是故施如是心施佛告婆羅門彼大臣以此十行示教利喜又告婆羅門時彼刹利王於

後四

十

東

彼新舍生三悔心大臣滅之云何為三王生悔言我今大祀已為大祀當為大祀今為大祀多損財寶起此三心而懷悔恨大臣語言王已為大祀已施當施今施於此福祀不宜生悔是為王入新舍生三悔心大臣滅之佛告婆羅門爾時刹利王水澆頭種以十五日

月滿時出彼新舍於舍前露地然大火積手執油瓶注於火上唱言與與時彼王夫人聞王以十五日月滿時出彼新舍於舍前然大火積手執油瓶注於火上唱言與與彼夫人婦女多持財寶來詣王所而白王言此諸雜寶助王爲祀婆羅門彼王尋告夫人婦女言

止止汝便爲供養已我自大有財寶足以祭祀諸夫人婦女自生念言我等不宜將此寶物還於宮中若王於東方設大祀時當用佐助婆羅門其後王於東方設大祀時夫人婦女即以此寶物助設大祀時太子皇子聞王十五日月滿時出新舍於舍前然大火積手執油瓶注於火上唱言與與彼太子皇子多持財寶來詣王所白王言以此寶物助王大祀王言止止汝便爲供養已我自大有財寶足已祭祀諸太子皇子自生念言我等不宜持此寶物還也王若於南方設大祀者當以佐助如是大臣持寶物來願已助王祭祀西

方將士持寶物來願已助王祭祀北方佛告婆羅門彼王大祭祀時不煞牛羊及諸衆生唯用酥乳麻油蜜黑蜜石蜜以爲祭祀佛告婆羅門彼刹利王爲大祀時初喜中喜後亦喜此爲成辦祭祀之法佛告婆羅門彼刹利王爲大祀已剃除鬚髮服三法衣出家爲道修四無量心身壞命終生梵天上時王夫人爲大施已亦復除髮服三法衣出家修道行四梵行身壞命終生梵天上婆羅門大臣教王四方祭祀已亦爲大施然後剃除鬚髮服三法衣出家修道行四梵行身壞命終生梵天上佛告婆羅門時王爲三祭祀法十六祀

後四

十六

陳

具而成大祀於汝意云何時究羅檀頭聞佛言已默然不對時五百婆羅門語究羅檀頭言沙門瞿曇所言微妙大師何故默然不答究羅檀頭答言沙門瞿曇所說微妙我非不然可所以默然者自思惟耳沙門瞿曇說此事不言從他聞我默思惟沙門瞿曇將無是

彼刹利王耶或是彼婆羅門大臣耶爾時世尊告究羅檀頭曰善哉善哉汝觀如來正得其宜是時刹利王爲大祀者豈異人乎勿造斯觀即吾身是也我於爾時極大施惠究羅檀頭白佛言齊此三祭祀及十六祀具得大果報復有勝者耶佛言有問曰何者是佛言於此三祭祀及十六祀具若能常供養衆僧使不斷者功德勝彼又問於三祭祀及十六祀具若能常供養衆僧使不斷者爲此功德最勝復有勝者耶佛言有又問何者是佛言若以三祭祀及十六祀具并供養衆僧使不斷者不如爲招提僧起僧房堂閣此施最勝又問三祭祀及十六祀具并供養衆僧使不斷絕及爲招提僧起僧房堂閣爲此福最勝復有勝者耶佛言有又問何者是佛言若爲三種祭祀十六祀具供養衆僧使不斷絕及爲招提僧起僧房堂閣不如起歡喜心口自發言我歸依佛歸依法歸依僧此福最勝

卷四

十九

陳

又問齊此三歸得大果報耶復有勝者佛言有又問何者是佛言若以歡喜心受行五戒盡壽不然不盜不婬不欺不飲酒此福最勝又問齊此三祀至於五戒得大果報耶復有勝者佛言有又問何者是佛言若能以慈心念一切衆生如構牛頃其福最勝又問齊此三祀至於慈心得大果報耶復有勝者佛言有又問何者是佛言若如來至真等正覺出現於世有人於佛法中出家修道衆德悉備乃至具足三明滅諸癡冥具足慧明所以者何以不放逸樂閑靜故此福最勝究羅檀頭又白佛言瞿曇我爲祭祀具諸牛羊各五百頭今盡放捨任其自遊隨逐水草我今歸依法歸依佛歸依僧聽我於正法中爲優婆塞自今以後盡形壽不然不盜不婬不欺不飲酒唯願世尊及諸大衆明受我請爾時世尊默然受之時婆羅門見佛默然受請已即起禮佛繞三匝而去還家供辦種種餚明日

時到爾時世尊著衣持鉢與大比丘衆千二百五十人俱詣婆羅門舍就座而坐時婆羅門手自斟酌供佛及僧食訖去鉢行澡水畢佛爲婆羅門而作頌曰

祭祀火爲上 謳誦讀爲上 人中王爲上
衆流海爲上 星中月爲上 光明日爲上

上下及四方 諸有所生物 天及世間人
唯佛爲最上 欲求大福者 當供養三佛

爾時究羅檀頭婆羅門即取一小座於佛前
坐爾時世尊漸爲說法示教利喜施論戒論
生天之論欲爲大患上漏爲礙出要爲上分
布顯示諸清淨行爾時世尊觀彼婆羅門志
意柔軟陰蓋輕微易可調伏如諸佛常法爲
說苦聖諦分別顯示說集聖諦集滅聖諦出
要聖諦時究羅檀頭婆羅門即於座上遠塵
離垢得法眼淨猶如淨潔白駁易爲受色檀
頭婆羅門亦復如是見法得法獲果定住不
由他信得無所畏而白佛言我今重尋三歸

發四

二末

陳

依佛法聖衆願佛聽我於正法中爲優婆塞
自今已後盡形壽不然不盜不婬不欺不飲
酒重白佛言唯願世尊更受我七日請爾時
世尊默然受之時婆羅門即於七日中手自
斟酌供佛及僧過七日已世尊遊行人間佛
去未久時究羅檀頭婆羅門得病命終時衆
多比丘聞究羅檀頭供養佛七日佛去未久
得病命終各自念言彼人命終當何所趣時
諸比丘詣世尊所頭面禮足於一面坐而白
佛言彼究羅檀頭今者命終當生何所佛告
諸比丘彼人淨修梵行法法成就亦不於法
有所觸燒以斷五下分結於彼現涅槃不來
此世爾時諸比丘聞佛所說歡喜奉行

佛說長阿含經卷第十五

綜練上子反桎梏上之日反特犧二字讀援助社

願火薪賜下子反